



十九史略通考  
七

和装本  
2.228  
7





古今歷代標題註釋十九史略通考卷之七

前進士廬陵 曾先之 編次

松塢門人番陽竹窩余進宗海通考

南宋

○高宗皇帝名構徽宗第九子也封康王靖康初嘗出使幹離不軍是冬幹離不再來奉詔再出使耿南仲偕行至相州民遮道請無往至磁州守臣宗澤止之相州守汪伯彥以蠟書言金人方遣騎物色康王所在乃回相州與南仲揭榜召兵勤王

○使相騎皆去聲物色猶言尋也

訪有詔以康王為大元帥汪伯彥宗澤為副速領兵

揭榜召兵

張邦昌立

入衛王從伯彥議出北門渡河至大名聞京師陷澤  
請進兵向京城伯彥請王移兵東平措身安地南仲  
亦以為然遂東去知河間府黃潛善亦領兵至進屯  
濟州濟上聲○東平府探報二帝北行張邦昌為金  
所立國號楚是日風霾日有薄暈百官慘怛邦昌亦  
有憂色惟王時雍范瓊等欣然若有所得探音貪即  
埋風而雨邦昌在位三十日御史馬伸貽書邦昌  
請速行政正易服歸省遂迎元祐孟太后聽政太后  
迎立康王詔告中外有曰漢家之厄十世宜光武之  
中興獻公之子九人惟重耳之尚在遣使奉表及以

改元建炎

車駕至揚州金人分道南來

孟后詔來邦昌繼至伏地慟哭請死元祐哲宗年號  
時六宮皆從二帝北使臣自河北竄來進道君手札  
曰便可即真來救父母王慟哭拜受遂趨應天府即  
位改元建炎道君謂徽宗以主和誤國罷竄耿南仲召李  
綱為相以宗澤知開封為留守綱至邊防軍政略有  
緒而潛善伯彥復主和亟遣祈請使矣綱相數十日  
而罷潛善伯彥為相首誅上書人陳東歐陽徹決策  
幸東南無復經制兩河之意是冬車駕遂至揚州復  
又反亟音金人分三道南來二年春金人至汴為宗  
棘使去聲澤所敗澤招撫羣盜募四方義士合百餘萬糧支半

宗澤  
表請  
還汴

年表疏連數十請上還汴潛善忌其成功從中沮之  
澤憂憤疽發背而卒臨終無一語及家事但連呼過  
河者三都人爲之號慟聞者皆相弔出涕為呼皆去聲沮上聲

中興大事記曰自古未有內外不相應而成功者  
有張仲孝反主於內而後尹吉甫得以專征於外  
孔明欲出師於外則任禕允於內建炎之初李綱  
在內宗澤在外此殆天擬二人以開中興之治也  
使二人得行其志必能復君父之仇雪宗廟之恥  
伸神人之憤惜夫綱去而澤計沮蓋汪黃既用事

金人  
至揚  
州

於中則澤安能措手於外既主幸東南之議則還  
汴之請雖二十疏而何益縱使渡阿而北指日成  
功亦安能免後患哉

三年春金人將至揚州上得報亟出二相方會食堂  
吏呼曰駕行矣乃戎服南走回望揚州煙焰已漲天  
矣二相謂汪黃呂頤浩張浚追及上於瓜洲得小舟以渡

至鎮江遂如杭州罷潛善伯彥以朱勝非爲相瓜洲渡名

苗傅  
劉正  
彦作  
亂

在揚州南鎮江府名屬江浙即京口御營將苗傅劉正彦作亂請上禪  
位於皇子粵未三歲孟太后聽政粵音呂頤浩張浚  
帥師勤王韓世忠爲前軍張俊翼之劉光世游擊爲

上杭州如  
抗州人  
金道  
兩江  
渡

殿殿去聲謂往來攻勝非說二兇亟反正尊孟后為  
隆祐皇太后說音稅○二兇謂勝非罷呂頤浩為相  
二兇走世忠追之皆伏誅以勝非不能止二上如建  
康以浚為川陝宣撫處置使隆祐太后如南昌聞兀  
朮請於粘罕將犯江浙故也川陝謂四杜充為右僕  
射守建康上如杭州升杭州為臨安府自臨安如浙  
東射音金人分兩道一軍自蘄黃渡江劉光世在江  
州以為蘄黃小盜遣王德拒之於興國軍始知為金  
人金人自大冶趨洪撫建昌臨江吉州追隆祐太后  
不及遂陷袁潭荆南澧州乃自石首北渡而去治音

揚州  
又州  
血刺  
裾書

上州次  
台州  
章安  
鎮

音禮○興國軍潭州荆南州澧州皆屬湖廣大冶縣  
屬興國洪州府撫州府建昌府臨江府吉州府並屬  
江一軍自滁和向江東馬家渡濟江陷建康滁和州  
西馬家渡在太平府杜充及守臣皆降於兀朮通判揚邦乂不  
從刺血書裾曰寧為趙氏鬼不作他邦臣衆擁見兀  
朮誘諭累日輒叱罵見殺義又音兀朮長驅陷杭州上  
去已七日兀朮進陷越州四年春陷明州明州屬浙  
府時上已次台州章安鎮金人以船犯昌國縣欲追  
襲上舟提領海舟張公祐引火船擊散之乃退台州屬浙  
東昌國縣屬慶元回兵陷秀平江常州至鎮江韓世忠邀之  
以海舟與戰數十合多俘獲伏卒金山龍王廟幾獲

兀术幾音幾○秀平江常州皆屬江相持於黃天蕩

兀术求假道甚恭不許欲自建康先歸不得去或教

於冶城西南隅蘆場地鑿大渠一夕成次早出舟趨

建康世忠大驚尾擊之一日值無風海舟不能動兀

术乃引其舟出江其去疾如飛以火箭射海舟世忠

軍亂奔還兀术乃得北遁紜制官名岳飛相州人少負氣節家貧

合射音石○紜制官名岳飛相州人少負氣節家貧

初張浚西行上命浚三年而後用師及是撻粹

兀术皆在淮東浚聞兀术躊躇必再犯東南議出師

攻取以分其勢士大夫及諸將皆以為不可浚決策

金人北遁

金人調兀术赴陝西

移檄粘罕問罪遣吳玠入長安撻粹金人遂調兀

术自京西星馳赴陝西與婁室合浚合六路兵至富

平婁室引兵驟至鐵騎直擊環慶路趙哲軍他路不

援哲離所部句諸軍退句金遂乘勝而前浚斬趙哲

諸路軍皆散去陝西大震浚駐軍興州遣劉子羽訪

諸將所在各引所部來會人心粗安吳玠走保大散

關東和尚原調騎離皆去聲散音產○婁室金將也

也富平縣名屬輝州○上自海道回駐越州呂頤浩罷范宗尹

為相秦檜南歸赴行在檜在北依撻粹為所任用撻

粹南侵檜參謀其軍為草檄下山東州郡挈全家泛

上越秦南歸

劉稱帝  
豫號

命張  
俊討  
李成

張浚  
盡失  
陝西  
之地

小舟抵漣水軍自言逃歸朝士多疑之擅言如欲天下無事須是南自南北自北乞上致書撻粹以求和好其言皆撻粹意也漣水軍屬淮西今安東府○是歲劉豫稱帝

豫景州人於建炎戊申以濟南守降金為之用得知

東平府兼節制河南粘罕白金主循張邦昌故事立

豫國號大齊後遷都于汴粘罕既得關中地悉割以

與豫濟上聲言豫為宋濟南太守而降於金○紹興元年命張俊討江

淮盜李成成據江淮六七州連兵數萬有席卷東南

之意尋陷江筠臨江俊擊其軍復三郡成遁降齊江筠州臨江州皆屬江西

○張浚盡失陝西之地惟餘階成岷鳳

洮五郡及鳳翔府之和尚原隴州之方山原而已浚

退保閬州階成岷洮州屬鞏昌鳳州屬陝西閬州屬順元即今之保寧府也紘制曲

端有威名浚先用譖罷其兵柄安置萬州西人倚端

為重及敗軍情不悅至是又送恭州獄殺之士大夫

軍民皆悵恨西人益以是非浚萬州屬川南西人陝西人分兩道向蜀吳玠與

弟璘大敗之於和尚原又選將敗之於箭筈關兩道

皆不能入璘音鄰○范宗尹罷秦檜昌言曰我有二策

可以聳動天下遂為右相呂頤浩為左相○兀朮會

諸道及女真兵造浮梁於寶鷄縣渡謂攻和尚原玠

秦檜  
為相

上還  
臨安

金興  
元人

璘三日三十餘戰大破之兀朮中流矢僅以身免始  
自河東歸燕山中去聲○淳梁編鳳為○二年上自  
越州還臨安言者劾秦檜專和主議沮止恢復遠圖  
檜罷朱勝非為右相○三年春撒離曷自鳳翔長安  
聲言東去實由商於出漢陰直趨金商吳玠急引兵  
扼之饒風嶺金人間道遶出其後玠遽還仙人關金  
人遂進陷興元知府劉子羽退保三泉縣潭毒山撒  
離曷食盡乃引還吳璘以無糧拔寨棄和尚原金人  
得之玠度其必深入乃嚴兵以待兀朮果與撒離曷  
來犯仙人關玠璘與戰七日金人不能支宵遁玠設

齊以  
金兵  
南侵

伏扼其歸路又敗之是舉也金人決意入蜀卒不得  
志度待洛反○漢陰縣名屬金州金商二州名屬陝西饒鳳嶺在金州仙人關在鳳州三泉縣屬大安  
是歲浚又失洮岷關外惟存階成秦鳳浚召還尋與  
劉子羽皆貶竄浚是行本欲由關陝取中原乃盡喪  
關陝而歸賴得玠璘保蜀而已關陝關中陝西○齊遣李成  
攻陷鄧襄隨郢唐州信陽軍等岳飛復隨郢成棄襄  
陽而遁鄧襄唐三州信陽軍皆屬河南隨郢二州屬湖廣○呂頤浩朱勝非  
相繼罷趙鼎為右相○齊以金兵分道南侵上詔親  
征出如平江以張浚知樞密院先是浚極言北方既  
無西顧憂必并力窺東南上思其言遂召之無西顧憂言下金



張浚視師上

上還臨安

人既得陝西不復以為憂也

浚至請遣岳飛渡江入淮西以牽制

北兵之在淮東者從之上命浚視師江上將士見浚

來勇氣皆倍倍謂增一倍也時韓世忠駐揚州先已大敗金

兵於大儀鎮擒其將解元成閔與戰於承州十三捷

仇愈孫暉敗之於壽春安豐王德敗之於滁州岳飛

遣牛皋等攻之於廬州捷輒兀术知為世忠所扼江

不可渡引還齊劉麟劉猗棄輜重遁去解音蟹愈音預為去聲猗

屬淮西即壽州安豐壽春屬縣廬州屬淮西麟豫子

浚兼都督諸路軍馬尋復命浚視師江上浚至鎮江

召韓世忠使舉兵移屯楚州浚至建康撫張俊軍至

太平州撫劉光世軍無不踴躍思奮以岳飛為河北

京西招討使撫慰勞也太平州屬江東即姑孰先是建炎庚戌中有

武陵人鍾相起於鼎州僭號楚鼎澧荆潭辰岳之境

皆盜區句相敗就擒武陵縣名屬常德府鼎州屬湖廣即巴

其徒有揚么者據洞庭遂為劇寇官軍陸襲之則

入湖水攻之則登岸曰有能害我除是飛來浚謂上

流不先去么為腹心害將無以立國請自行浚至湖

南會岳飛兵至急攻其水寨么窮蹙赴水死遂平么音

浚自湖南轉由兩淮會諸將議防秋乃入見見音

○音

金主  
亶立

兩淮謂淮東淮西防秋謂秋高馬肥恐胡人入寇故防備之也 ○女真主晟殂姪孫

亶立初晟與晟約兄終弟立而後復歸晟之子故晟

捨已子宗盤而立晟長孫曷囉馬為諳板孛極烈儲

副位也曷囉馬名亶至是遂即位宗盤與曷之別子

及粘罕皆爭立而不得粘罕時已失兵柄與悟室並

相粘罕絕食縱飲而死長上聲○諸板孛極烈蓋夷狄太子之號也悟室金相名

蒙國叛金蒙在女真之北在唐家為蒙兀部亦號蒙

骨斯元朝之興始此 ○六年張浚復出視師上自臨安如平

江齊人分道入寇初劉豫因粘罕得立知奉粘罕而

已蔑視他帥及是請兵於金宗盤沮之聽豫自行而

齊人  
分道  
入寇

蒙國  
叛金

遣兀朮提兵黎陽以觀釁釁猶輕也 劉光世時駐廬

州以為難守張俊駐泗州亦請益兵眾情洵懼張浚

以書戒浚及光世有進擊無退保趙鼎等請上親書

付浚欲退師還南保江浚力爭以為可保必勝一退

則大事去矣光世已舍廬州而退浚即星馳至采石

遣人喻其眾若有一人渡江即斬以徇仍督光世復

還廬州光世不得已乃駐兵遣王德鄴瓊三敗齊兵

於霍丘正陽及前羊市舍上聲爭去聲○保江謂以江為限自保也霍丘縣名屬

安豐正陽前羊市皆霍丘地名 時劉猷至淮東阻韓世忠兵不敢進

乃從淮西渡浚遣張俊紆制官揚沂中至濠州與浚

上皇  
凶問  
至

合兵沂中敗猊前鋒猊引兵欲會劉麟于合肥而後  
進沂中與遇於藕塘合戰猊大敗麟聞猊敗望風潰  
去光世乘勝追襲亦捷北方大恐上曰克敵之功皆  
出右相趙鼎遂罷合肥縣名屬廬州藕塘在廬州○上皇以五年四  
月殂至七年春凶問始至壽五十四二帝自建炎初  
由燕山如中京古奚國霽郡也在燕山北千里次年  
又自中京移韓州在中京東北千五百里後二年又  
自韓州移五國城在金國所都東北千里上皇終焉  
霽音習○以岳飛為湖北京西宣撫使時淮東宣撫使  
韓世忠江東宣撫使張俊皆久已立功而飛以列將

秦檜  
主和  
議

拔起世忠俊不平飛屈已下之二人皆不答及飛破  
楊么俊益忌之於是嫌隙日深上自如平江如建康  
飛因扈駕以行入見疏論恢復秦檜時為樞密副使  
主和議忌飛成功沮之見音現飛以內艱去上力起之  
內艱謂丁母憂劉光世以言者論其退師幾謀事罷兵柄張  
浚以王德鈔其軍德與酈瓊等夷不相下大譟詣督  
府訴德浚乃召德還為督府都統制而以呂祉為督  
府參謀領其軍變平聲○等夷不相下謂等類平夷各不肯相伏弱也祉簡倨不  
通將士之情聞瓊等反側密乞罷之瓊叛執祉以所  
部數萬降齊張浚遂以言罷浚之用德與祉岳飛嘗

廢劉豫

言其不可浚不聽故敗趙鼎復相簡倨簡慢倨傲也

也○女真廢劉豫為蜀王立行臺尚書省于汴以金人

如臨安以秦檜為尚書右僕射兼樞密使詔議講和

趙鼎罷鼎不主和議檜忌之故罷自建炎以來無歲不遣使直願

去尊號奉其正朔比於藩臣金人不從使者往多拘

囚後數南侵不利知江南不可圖然後遣檜為間至

劉豫廢和議乃決金使張通古來去上聲敷音朔間去聲編脩

官胡銓上疏以為陛下屈膝則祖宗廟社之靈盡

汚夷狄祖宗之赤子盡為左袵朝廷宰執皆為陪臣

上胡銓

左袵夷狄之俗陪臣諸侯之臣陪重也言諸侯既為天子之臣則諸侯之臣乃重臣也異時豺

狼無厭安知不加我以無禮如劉豫厭平聲足也如

廢之夫三尺童子無知指犬豕而使拜則怫然怒

堂堂天朝相率而拜犬豕曾無童稚之羞邪夫音扶怫音弗

○二歲半為一尺三尺則七歲半也奉使王倫誘致北使以詔諭江南

為名欲臣妾我執政孫近附會秦檜臣義不與檜等

共戴天乞斬倫檜近三人頭竿之藁街然後羈其使

責無禮與問罪之師三軍之士不戰而氣自倍不然

臣有蹈東海而死耳寧能處小朝廷求活邪書上連

貶竄處音杵○節要王倫為奉迎梓宮使如金及金使張通古來言歸河南陝西之地有詔諭江南

金以陝西河南歸宋李輔世賜名顯忠

之名李綱曰不云通問而曰詔諭不著國號而曰江南此何禮也 ○九年金人先以

陝西河南地來歸朝廷遣官謁陵寢交地界除汴京

留守陵寢天子墳 ○鄜延副將李世輔還自西夏賜

名顯忠世輔綏德青澗城人其先累世為蕃族都巡

檢使父子雖嘗仕齊每相泣恨不得歸宋齊用世輔

知同州嘗得間生擒撒離曷欲歸朝金兵來追縱之

而奔西夏其父母及三子一孫皆被戮至是乞兵於

夏以復仇欲取陝西五路以與夏旣出則知陝西地

已歸宋乃卻夏兵而來上慰勞加賜賚間勞皆去聲

屬陝西復仇報復父仇也五路 ○十年女真分道入

金分四道南侵

寇時金國有謀反者事連宗盤等皆坐誅左副元帥

撻斡實揚割長子金主亶之大父行也自粘罕死宗

戚大臣皆懼撻斡與悟室尋亦以謀叛先後誅長上

音項○大金與宋和實撻斡王之撻斡旣死於是右

副元帥兀朮為左相乃密奏於其主以宋未議歲貢

正朔誓表策命而撻斡擅許割地遂渝盟分四道南

侵渝變也 劉錡大破兀朮於順昌府檜急啓上召錡還

岳飛敗之於郾城幾擒兀朮飛至朱仙鎮檜急啓上

召飛還韓世忠敗金人於淮陽之泃口兀朮還汴簽

兩河軍與蕃部以謀再舉幾平聲○郾城縣名屬許州朱仙鎮在汴京西南

兀術陷廬州

罷宣撫司

○十一年兀術陷廬州侵和州劉錡揚沂中敗之於

蒙臯檜又啓上亟班師亟音克○蒙臯地名在蒙縣沂中自瓜洲

渡返行在張俊自宣化歸建康劉錡自采石歸太平

州罷宣撫司以其兵隸御前遇出師時臨時取旨宣化地名在康西

以韓世忠張俊爲樞密使岳飛爲副使飛世

忠尋罷兀術以書抵檜曰爾朝夕以和請而岳飛方

爲河北圖必殺飛乃可張俊又構成飛罪逮赴獄檜

奏誅飛及張憲岳雲和議遂諧岳雲飛子也

東萊呂氏曰岳飛忠孝出於天性自結髮從戎凡

歷數百戰內平劇盜外抗強胡其從杜充也以八

百人破羣盜五十萬衆於南薰門外其破曹成也

以八千人破其十萬衆於桂嶺其敗兀術也於穎

川則以背嵬八百於朱仙鎮則以背嵬五百皆破

其十萬餘衆虜人畏服至以岳爺爺稱之自兀術

有必殺飛而後可和之言秦檜之心與虜合而張

俊之心又與檜合媒孽橫生不置之死地不止千

載之下每念岳武穆之冤直欲籲天而無從也

歸韋太后及徽宗梓宮於宋金人不惟盡悔所許陝

西河南地仍割唐鄧等州入金盡淮中流爲界西割

商秦之半棄和尚方山原時宣撫使吳玠卒四年矣

蒙兀自號大蒙稱帝

胡世將代之力以和尚原等地為不可棄兀朮必欲得之遂以大散關為界韋太后高宗生母也天子屍

及商秦等州皆險要之地實蜀州之門戶故世將以為不可棄也

于時金國屢有內

叛宗戚大臣相繼誅夷且北有蒙兀自號大蒙稱帝

改元連歲用兵卒不能討而與之和南侵又不得逞

而宋之猛將精兵方日盛恢復實不難沮於秦檜有

志之士扼腕歎息兀朮且死曰南朝軍勢強盛宜益

加和好俟十數年南軍衰老然後圖之侯待也張浚趙

鼎皆遠竄鼎卒於海外當時異議之人貶竄殆盡無

復敢言兵者涉貶連州鼎貶興化軍移漳州潮州○十九年女真完顏

金主亮立

金徙居燕

亮殺其主亶而自立

亮封岐王旻之孫亶之從弟也

○二十年女真

徙都燕京金主亮以上京僻在一隅乃城燕京徙居

之改燕京析津府為大興府號中都以中京會寧府

為北京汴京開封府為南京而舊遼陽府為東京大

同府為西京如故分蕃漢地為十四路置總管府○

二十五年女真參軍事秦檜死檜兼政十八年臨終

猶起大獄欲殺異已者張浚李光胡寅等五十三人

卒檜病已不能書得免沈該萬俟卨湯思退陳康伯

朱倬相繼為相萬俟音墨其復姓也高音雪倬音卓

愚按秦檜之於宋金猶張儀之於魏秦也蓋儀心

秦檜死

金亮王  
亮弑  
母入  
舉入  
寇

乎秦者也雖出仕魏實為秦地故連橫而使之事  
秦檜心乎金者也雖歸仕宋實為金地故主和而  
使之事金檜從二帝北行不能死節甘心夷虜為  
所任用及為間使詭言逃歸既秉宋政專主和議  
一時忠臣猛將誅鋤殆盡使高宗不能成冲興之  
業其罪可勝誅哉

二十六年帝桓殂于女真

欽宗崩于五國城年六十三十一年凶問始至

三十一年女真主亮弑其母徒單氏大舉入寇先是  
金城汴京經營南侵幾年矣嘗因使來密藏畫工圖  
繪臨安山水城市宮室以歸題詩其上有立馬吳山

金人  
亮  
立

第一峯之句是秋徙居汴遂渝盟舉兵其母諫殺之  
以威衆兵號百萬陷淮西諸郡江淮浙西制置使劉  
錡遣王權迎敵權逗留已而退還奔采石報至中外  
大震有浮海避敵之議陳康伯不可命葉義問視師  
中書舍人虞允文參謀軍事金人陷揚州趨瓜洲劉  
錡遣將敗之於阜角林有詔令劉錡還軍專防江上  
逗音豆逗留謂曲行避敵也 ○女真人立完顏褒為帝于遼陽更  
名雍而殺其主亮于瓜洲引軍北還 褒音右 初亮欲由  
采石渡朝廷以李顯忠代王權而未至金人舟來虞  
允文亟督水軍海鱗船迎敵死鬪金人不能濟時亮



上內  
禪

聞有內變又聞舟師由海道來者已為李賢所焚而  
荆鄂諸軍方自上流而下忿甚乃回揚州召諸將約  
三日必濟過期盡殺諸將遂弒亮為去聲○內變方  
亮之引而南也渤海一軍叛去已擁立襄聞亮死遂  
入燕京追諡亶為閔宗廢亮為海陵王諡曰煬襄晟  
之孫也煬音漾先是數年張浚嘗言金必渝盟時相湯  
思退等大駭以為狂至是浚起判建康上目臨安如  
建康浚迎謁衛士見其復用以手加額以手加額謂加敬也○  
三十二年上還臨安金使來遣使報之復尋和議○  
夏六月上內禪退居德壽宮在位三十六年改元者

二曰建炎紹興皇太子立是為孝宗皇帝

愚按高宗遭家不造父兄被虜於斯之時國中無  
主乃能即位南京以圖匡復可謂能權者矣莅政  
之初以李綱為相宗澤為將招撫群盜召募義兵  
克敵之易有如破竹奈帝素無撥亂反正之才惑  
於汪黃主和誤國戎服南走賴張浚韓世忠等出  
死力於抗敵得還臨安而又惑於秦檜凡四主和  
議皆不旋踵金人渝盟南侵幾危宗社賴吳玠岳  
飛張浚韓世忠劉錡楊沂中等募兵勤王追亡逐  
北自燕以南民爭挽車載糧頂盆焚香迎候官軍

者充滿道路使無秦檜從中沮之則恢復之功豈  
不指日而成哉夫金人驅逐二帝北行備極窘辱  
卒死于金則金人者高宗與其臣庶所不共戴天  
之讎也今高宗非惟不能復仇討罪而又屈膝虜  
庭稱藩奉貢使祖宗廟社之靈盡汚夷狄祖宗之  
赤子盡爲左袵朝廷之宰執皆爲陪臣則其志親  
逆理偷安忍恥而得罪於天下也亦已甚矣嗚呼  
悲夫

○孝宗皇帝初名伯琮宗室追封秀王諡安僖子傅之  
子太祖七世孫也母張氏高宗喪太子勇命選太祖

之後得伯琮鞠宮中賜名瑗封普安郡王秦檜疾其  
英明而不能害也竟立爲皇子賜名瑋封楚王紹興  
末賜名昚立爲皇太子尋詔卽位尊太上皇帝爲光  
堯壽聖皇帝皇后吳氏爲壽聖太上皇后

傅音稱瑗  
音院昚音

賢○七世謂太祖生德芳德芳生惟憲惟憲生從郁  
從郁生世將世將生令諱令諱生子傅子傅生孝宗

張浚  
北伐

也○以史浩爲右相張浚樞密使督師江淮遂北伐  
浩不與其議力丐罷李顯忠出濠州趨靈壁敗金兵  
邵宏淵出泗州圍虹縣降金將進克宿州金副元帥  
紇石烈志寧率兵至顯忠與戰連日未決謀報金人  
大興河南兵將至會宏淵與顯忠不相能而顯忠又

張浚終身不主和議

不犒士士憤怨遂潰而歸金人亦解去上銳意恢復

是役不利乃復議和

與音預虹音降能與耐通○靈壁縣名屬宿州宿州屬河南統

石烈姓志寧名也不相能謂不相忍耐取和也陳康伯罷湯思退張浚為左

右相浚仍以都督視師數月而罷未幾卒浚許國之

心白首不渝終身不主和議遺命付其二子以不能

復中原雪國恥不得祔葬先人墓

二子拭也拘也祔音附合葬也

朱子曰南渡以來士大夫唱為和議其賢者則不

過為保守之計夷狄制命禽獸偏人莫知其為大

變獨魏公欲正人心雪國耻復土宇鎮遺黎晚復

際遇主議益堅雖天嗇其功使公困於讒忌之口

不得就其志然而表著天心扶持人紀使天下曉

然知人類之所以異於禽獸中國之所以異於夷

狄其功盛哉

劉氏曰魏公之忠貫日月宜無可非議之者然有

不可辨者一事力攻李綱而寧與汪黃同朝力引秦

檜而寧與趙元鎮不相下皆不可曉其何為而然也

湯思退密有召虜劫和之迹言者論罷竄之道死陳

康伯復相和議成先是國書大宋去大字皇帝去皇

字書用君臣之禮有再拜等語金使至則起立問金

主起居降坐受書奉使者自同陪臣館伴之屬皆拜

孝宗有志  
無復  
相輔

朱熹  
被召

其來使自同陪臣謂宋使至是始稱上為宋皇帝止  
為叔姪之國易歲貢為歲幣歲幣減十萬之數地界  
如紹興之時而餘禮往往竟不能盡改上終身憤之  
其後力請還河南陵寢地改受書禮金主卒不從蓋  
上雖有志復讎而無能輔其志者自陳康伯卒後洪  
适葉顥魏杞蔣芾陳俊卿虞允文梁克家曾懷葉衡  
史浩趙雄王淮周必大留正相繼為相惟俊卿  
允文並相時有經營北方之議而俊卿持重卒與允  
文不合允文所為人亦議其虛誕竟不效如浩尤不  
主用兵必大從容廟堂善類多所引進朱熹以淳熙

十五年被召必大作相時也

從音

臨江梁氏曰高宗南渡駐蹕臨安前誤於汪黃李  
綱獲罪後誤於秦檜岳飛被誅時可恢復而專主  
和議時則有其將而無其君孝宗受禪有志中原  
而虞允文前以采石之功致卿相之位遂獲上聽  
用師于金邊釁誤開卒無成效時則有其君而無  
其將誠確論也

初程頤卒於徽宗之世其徒楊時在欽宗光堯時皆  
被擢趙鼎雖不及識頤而主張其學惡之者以楊時  
為還魂趙鼎為尊魂胡安國為強魂

惡去聲○時字  
中立號龜山先

生安國字康侯謚文定其後又有尹焞見召人經筵焞蓋願晚

年高第也焞音淳字彥明士大夫名程氏之學曰道學時好

所尚或冒此名以進時好不同亦多以此名見擠於

世好去聲擠音賈排陷也延平李侗受學於揚時之門人羅從

彥而熹又受學於侗侗音通○延平郡名屬福建今南劍州是也侗字原仲號延平

先生從彥字仲素胡銓嘗薦於光堯熹不至乾道以來屢召

不起特旨改秩奉祠召入館不就秩官品也奉祠謂主管台州崇道觀

也召入館謂召熹為秘書省秘書也後為南康守浙東荒除熹提舉往

救之過闕嘗一入奏事奏事謂上書言事至是召對除兵部

郎與侍郎林臬不合奉祠去數月復召熹辭惟進封

朱熹進封事

事言天下之大本與今日之急務大本在陛下之心

急務在輔翼太子選任大臣振舉綱維變化風俗愛

養民力脩明軍政六者是也封事謂實封言事也熹之同志有

廣漢張拭者魏忠獻公浚之子其學得之胡宏宏安

國子也拭之言曰有所為而為者利也無所為而為

者義也學者誦為名言稱拭為南軒先生所為之為去聲○魏

國忠獻諡公爵也有呂祖謙者公著之五世希哲之四世孫

也亦祖程氏之學學者稱為東萊先生皆先是數年

卒矣祖謙字伯恭惟熹學問老而彌篤學者共師宗之稱

為晦庵先生四方仰其人如泰山北斗南使至北金

人必問朱先生安在彌甚也同時有臨川陸九淵世號

象山先生者與熹爭論太極圖說且謂學有悟入譏

熹從事訓解意見頗立異云臨川縣名屬撫州一悟入謂不須講學自然有悟

而入於道也朱子嘗曰陸氏宗旨本自禪學中來○上久有與子之意會光

堯壽八十二而崩乃詔內禪上奉德壽二十六年孝

養備至既升遐哀慕尤切以不得日奉几筵欲退終

喪制移居重華宮在位二十七年改元者三曰隆興

金主環立

乾道淳熙養去聲重平聲○德壽光金世宗雍以是

歲殂其嗣允恭先卒孫環立雍賢明仁恕號為北方

小堯舜故金之大定三十年與宋之隆興乾道淳熙

相終始南北皆得休息彼此無可乘之釁上之齋志

不克大有為者以此太子立是為光宗皇帝環音景齋持也

四明陳氏曰孝宗聰明英毅銳志恢復重違高宗

之命不輕出師又值金國治平無釁可乘然易表

為書改臣稱姪減去歲幣以定隣好金世宗每戒

羣臣積錢穀謹備邊蓋忌帝之將有為也天厭兵

革欲休民生故帝用兵之志弗遂而終自古人君

自外藩入繼大統能盡宮庭之孝如帝者幾何入

哉廟號孝宗不亦宜乎

○光宗皇帝名惇年四十四自東宮受禪尊太上皇帝

李后  
造誣

為至尊壽皇聖帝周必大罷留正葛邲為左右相改  
元紹熙惇音敦邲音弼皇后李氏大將李道女也悍而妬欲  
亟立太子嘉王為儲嗣因內宴請於壽皇未許后不  
遜壽皇有怒語后銜之悍音早暴也乃造誣罔謂壽皇有  
廢立意致上驚恐得疑疾及聞後宮有暴死者上震  
懼疾愈甚不復過重華宮近兩載始一至壽皇彌不  
憚上亦不能視疾壽皇居重華踰五載壽六十八而  
崩上不能執喪一日忽仆於地中外危懼太皇太后  
立嘉王是為寧宗皇帝仆音赴倒也太皇太后謂高宗后吳氏也  
四明陳氏曰光宗幼有令聞嚮用儒雅即位之初

總權綱屏廢幸薄賦緩刑有可觀者及宮闈妬悍  
闈宦交搆驚憂致疾孝養遂怠孝宗之業衰焉

○寧宗皇帝名擴初封嘉王孝宗崩光宗疾病知樞密  
院事趙汝愚密建翼戴之議知憲聖慈烈吳太皇太  
后以宗社為憂將白事而難其人有知閣門事韓侂  
胄者琦之曾孫而太皇女弟之子也乃因以入白太  
皇垂簾引嘉王入即位代執孝宗之喪中外危疑者  
乃定擴音廓侂音托○妹曰女弟因因侂胄也光宗居壽康宮後六年而  
崩壽五十四上之為嘉王也黃裳為翊善講說開導  
光宗嘗宣諭曰嘉王進學皆卿之功裳曰若欲進德

韓侂胄功趙愚引善類

脩業追蹤古先哲王須尋天下第一人乃可問為誰

句以朱熹對句彭龜年繼為宮僚因講每及熹說句

上傾心巴久翊善東宮官各宮僚東宮僚屬也熹在光宗時守漳州

後守潭州為湖南安撫至上登極首被召除待制兼

侍講熹未至已聞近習用事御筆指揮皆有漸深憂

之漸謂漸暱近習也留止罷汝愚為相韓侂胄自負有定策

功希不次之賞汝愚不肯驟除遂怨之汝愚為政方

務引進善類裁抑僥倖小人滋不悅相與共排之愈

也朱熹既至上疏忤侂胄在朝甫四十六日罷言者

以為熹有官祠之命遠近相弔天下大老去之誰不

欲去若正人盡去何以為國汝愚袖還丹批且諫且

拜不聽言者指游仲鴻官祠之命謂罷熹侍講而除官觀奉祠之命內批謂寧宗所批罷朱子之

也勅侂胄欲併逐汝愚而難其名或教之曰彼宗姓誣

以謀危社稷則一網盡矣侂胄然之汝愚在相位數

月罷連貶竄服藥以死難其名謂難擬其罪名也

四明陳氏曰汝愚學務有用常以司馬光富弼韓

琦范仲淹自期如朱熹張拭呂祖謙汪應辰王十

朋胡銓李燾林光朝之言欲次第行之未果而罷

政當孝宗崩光宗病汝愚奮不顧身定大計于頃

刻收召明德之士以輔新政其功盛矣卒為韓侂



胄所構斥死遐荒而宋之陵夷馴至於不可救惜哉

侂胄用李沐何澹劉德秀胡紘沈繼祖等為鷹犬搏擊善類無遺紘音宏彭龜年劉光祖章穎葉適徐誼沈有開吳獵黃由黃度鄧駙陳傅良樓鑰鄭湜李祥揚簡呂祖儉曾三聘游仲鴻項安世孫元德袁燮陳武汪達范仲黼黃灝詹體仁等貶逐不可勝紀駙音日湜音植灝音浩勝音升籍記黨人姓名曰偽學以朱熹為首在籍者數十人蔡元定坐熹累道州編管太學生楊宏中等六人亦坐上書救黨人編管留正以嘗引用黨人

亦黜竄余端禮京鐙謝深甫相繼為相鐙音湯

番陽石氏曰以道學為偽學以正人為黨人主昏時晦莫甚於此是故姦黨碑立而前宋亡偽學黨禁而後宋亡雖悔於終亦無及矣

朱熹卒

朱熹以慶元庚申卒時偽學黨禁雖嚴會葬者亦數千人呂祖泰上書論雪偽學乞誅侂胄及其黨蘇師且周筠罷逐陳自強之徒召用周必大不然事將不測書出中外大駭杖一百不刺面配欽州必大亦坐謫降熹沒踰年黨禁稍解諸人或復官自便然消沮變化之餘風俗已大壞矣復音伏壞音怪○謝深甫罷陳自

旄人摧旄  
生胃主  
開邊事

強為相侂胄以太師平原郡王平章軍國事權傾人  
主威制上下服御擬於乘輿土木侈於禁苑諛者至  
稱為恩王聖相或作詩九章每章用一錫字侂胄亦  
不辭稔積罪惡至於生事開邊而極乘去聲先是有蒙  
古部興於北方在金世宗時已強盛至環立蒙古兵  
來輒長驅金始多事侂胄聞金有此釁謂中原可圖  
蒙古部後改國號曰元有吳曦者前蜀帥吳玠之子璘之孫也  
吳氏世職西陲威行西蜀留其子孫於京蓋累朝遠  
慮曦有異志久欲歸蜀而不許侂胄遣歸數年蓋欲  
使山蜀出兵開禧丙寅諸路進師曦首以關外四州

元祖  
稱帝

獻金未封為蜀王尋稱帝賴李好義揚巨源與安丙  
密謀曦僭號踰月而誅好去聲西陲西方邊陲即西蜀也四州皆成秦鳳也  
○蒙哥渥溫鐵木真稱帝於斡難河奇渥溫姓鐵木真名即元太祖也斡難河未詳所在○盜殺韓侂胄時北伐諸軍所向無不潰  
敗而退金人大發兵連陷蜀漢荆襄兩淮諸郡東南  
大震亟遣使通謝於金而侂胄弄兵之意猶未已中  
外患之遂有誅兇之議皇后楊氏知書史通古今當  
時侍郎史彌遠建密策而肯從中出者皆后實為之  
一日侂胄入朝彌遠使殿帥夏震以兵邀之塗擁出  
玉津園推殺之推直追反擊也陳自強竄死蘇師且處斬周

楊氏  
知書  
史通  
古今

筠決配函侂冑首謝金和議復成錢象祖為相史彌遠累遷與象祖並相象祖罷彌遠獨相處音軒配謂二決罪從配也愚按宋之於金不共戴天之仇也為臣子者固當席干枕戈日思報復而韓侂冑專權自恣屠害忠良輕慮淺謀浪戰誤國其罪固不可勝誅矣然不正名其罪而使史彌遠等密謀誅之且函其首以謝金人謂之何哉况夷狄無信弱則請和強則渝盟自徽宗至于今歷歷可見而宋終不悟嗚呼悲夫先儒嘗曰金始終以和字愚宋始終以和字自愚斯誠確論也

女真主殂

嘉定元年女真主璟殂叔允濟立璟在位二十年廟號章宗允濟世宗

之別子也○六年女真副元帥胡沙虎殺其主允濟而立

豐王珣珣音荀璟之兄也允濟在位五年無歲不受蒙兵幾

不能支且失將士心故見弑追廢為東海郡侯幾平聲

是歲蒙兵至燕蒙主留大將圍其城自徇河東北山

東諸郡大將謂怯台哈台金主乞和雖見許度不能自立於

燕明年甲戌遷于汴後一年而燕京陷蒙兵自河東

渡河距汴二十里而去度入聲金人自是地勢益蹙山

東叛之東阻河西阻潼關而已欲窺宋川蜀淮漢以

自廣遂敗盟來侵宋以黃榜募忠義人進討京東路

立守珣金  
緒祖土

忠義李全以歲戊寅率眾來歸全本漣水縣弓手在  
開禧乙丑間已嘗應募焚其縣矣自歲丁丑以來宋  
與金戰雖迭有勝敗然三邊無歲不被其擾漣音連  
應去聲  
○十六年女真主珣殂子守緒立珣在位十二年  
廟號宣宗○十  
七年帝崩在位三十年改元者四謙恭仁儉終始如  
一然慶元嘉泰開禧凡十三年則侂冑之政嘉定十  
七年則彌遠之政壽五十七彌遠定策立嗣是為理  
宗皇帝

四明陳氏曰寧宗恭儉守文初年以舊學輔道之  
功召用宿儒引拔善類其政可觀中更韓侂冑

蓄羣奸指正為偽外排強胡流毒海內函首求成  
國體虧矣及史彌遠擅權於外揚后竊政於內帝  
拱默不能自強惜哉

理宗皇帝初名與苜宗室追封榮王諡文恭希璣之  
子太祖十世孫也璣音盧十  
世未詳寧宗子多而不育鞠宗

室子名詢立為太子薨生子墮地即  
死曰不育初皇從弟沂靖

惠王柄無子嘗以宗室子賜名貴和為之後從去聲  
柄音丙  
○沂國端惠  
謚柄名也及失太子詢遂立貴和為皇子賜名竑

封濟國公竑慧而輕嘗疾史彌遠專權謂異日不可  
容彌遠聞而惡之故陰為之計竑音宏濟上  
聲惡去聲與苜幼

不好弄羣兒聚嬉輒獨登高坐不動長上見者指以語群兒曰汝曹不效此人恰一大王相似群兒每羅拜其下遂有趙大王之號好語皆去聲長上聲彌遠物色得之嘗取應得舉矣特旨補官應去聲○得舉謂舉得中也竝既為寧宗子遂以與莒為沂王後賜名貴誠除郕州防禦使郕州屬湖南今寶慶府寧宗大漸乃白中宮以貴誠為皇子改名昀宜遺詔即位進竝濟陽郡王出判寧國府恭聖仁烈揚后同聽政事定然後撤簾昀音勻○漸進也甚也言其疾甚也白奏告也中宮寧宗后揚氏也寧國府即宣州時外議籍籍有謀作亂立竝者事不克皆死李全在楚州與制置使許國相失殺

元祖  
太

國亦以問罪為辭舉兵南向圍揚州幾陷屬上元張燈全置酒高會城中謀知夜遣兵出其不意劫之全走陷于濠為亂槍所斃其餘奔走北去幾平聲為去聲○籍籍言多也上元正月十五夜也濠城外池也○蒙兵連歲出滅西夏陷陝西諸郡道長安攻潼關不克歲丁亥蒙主鐵木真殂皇子窩闊台受遺命謂金精兵在潼關南有山北有河不易攻莫若假道南宋出唐鄧之郊則平原曠野可以直擣汴京易音異歲辛卯發騎六萬自西和州入興元由金房道襄陽至唐鄧與金人鏖戰於陽瞿潼藍之戍亦潰西兵畢至合圍於汴歲壬辰金主突圍出

守緒  
窮蹙  
自焚

走歸德府歲癸巳歸德糧絕乃趨蔡州

騎去聲鑿烏高反○西和

州屬二鞏昌興元府屬陝西二關名宋丞相史彌遠卒鄭清之

為相史嵩之為京湖制帥在襄陽南北有夾攻蔡州之約嵩之遣孟珙以兵四萬人先至圍其東南蒙兵

圍其西北守緒以歲甲午窮蹙自焚死函其首送于宋金自完顏旻稱帝至是九世一百一十七年而亡

高之彌遠子也珙音拱

金為宋讎義不共戴天宋人包羞忍耻累世不能復固已不國矣至是乘機僥倖因人成功亦豈義所予哉是故前宋因金人以滅遼遼亡而宋亦亡

後宋因蒙人以滅金金亡而宋又亡失道取亡前

後一轍後之為國不能自強而欲因人成事者蓋

亦鑒於此哉或曰遼於前宋雖為梗化然既與通

好實為輔車之勢遼不亡則宋未可圖也金於後

宋雖為仇讎然既與講和亦為唇齒之形金不亡

宋亦未可吞也是故遼金亡而後宋可亡此遠交

近攻之術而夷狄用計之巧也宋人不悟惜哉

先是有金國降人王楸請於蒙來與宋通和議歲

幣嵩之奏遣鄒伸之等往使自燕京至草地甚見接

納蒙已約使者齎國書再來和議計以河北地歸宋

王楸  
請宋  
和議

撒音戢○草地  
草野之地也

會淮帥趙葵方議乘金之亡為恢復

計葵故荆湖制帥趙方之子也習於兵銳意攻取募

山東忠義皆響應應去聲伸之未回而宋師出矣伸之

等幾被拘留於燕詭辭得與撒俱來歸途離汴不數

日汴人以城附宋幾音箕宋師入汴即趨洛北兵戍洛

者無幾姑避去宋師入洛不數日糧絕聞蒙兵且大

至潰而歸咎嵩之主和不肯運軍糧致誤事無幾言不多也

和議既不復諧蜀以丙申歲破陷荆襄淮甸無歲不

受攻哨哨掃教反遊清之罷相喬行簡李宗勉等繼

為政無所決斷斷去聲上思史嵩之之言自督府入為

相雖欲議和輒為眾論所沮嵩之丁憂言者目為權

姦力攻之不召沮上聲止也  
目猶稱也范鍾游侶鄭清之謝方

叔吳潛董槐程元鳳丁大全等相繼為相每歲以防

秋為常事似與同歲已未蒙大舉南侵蒙主親帥大軍

入蜀勢欲順流東下一軍自大理國幹腹南來歷邕

挂之境以至潭州一軍渡江圍鄂州邕挂二  
州名朝廷聞

蒙兵猝至罷丁大全以吳潛為左相即軍中拜賈似

道為右相潛以向士璧守潭適南來二哥元帥遇宋

侯騎而死潭圍先解騎去聲高逵印應飛守鄂似道駐

漢陽軍為鄂援會合州守王堅固守不下以抗蒙兵

蒙主  
入蜀

蒙主蒙哥殂於釣魚山報至鄂州似道乘機遣使約

和兵解而去合州屬川南釣魚山在合州是歲庚申蒙主忽必烈

自鄂州歸即位如約遣郝經來使似道自以再造丕

大功業誇上下講言前有和約留使者於真州不令

赴關亦不遣還由是蒙興師問罪三邊歲受攻擾訖

于帝世真州屬淮東即儀真郡帝在位四十年改元者八寶慶

紹定則史彌遠十年之政也端平初元善類滿朝有

真德秀魏了翁等為執政侍從人以比慶曆元祐自

嘉熙以後至于淳祐則有史嵩之數年之政嵩之既

去自淳祐至于寶祐正人指邪為邪邪人指正為邪

互為消長而狼狽莫如開慶丁大全之政景定改元

大全與吳潛雖人品不同各以竄死似道獨相遂執

國政末年寢有君臣相猜之迹未及更變而崩壽六

十一從去聲長上聲更音庚○初元初年也德秀字希元號西山謚文忠了翁字華父謚文端號鶴

山慶曆仁宗年號元祐哲宗年號上臨御以來終始崇獎周程張氏

及朱張呂氏諸儒義理之學故廟號理宗太子立是

為度宗皇帝周謂濂溪程謂明道伊川張謂橫渠朱謂晦庵張謂南軒呂謂東萊也

四明陳氏曰理宗享國與仁宗同惟其用相賢否

故致治有異耳蔡州之役可以雪先世之恥顧乃

貪地棄盟事變隨起兵連禍結境土日蹙由其中



年嗜欲既多怠於政事權移姦臣以致於敗然能黜王安石而尊濂洛表章朱呂丕變士習使天下後世知義理之學足以復古帝王之治帝王之功不為少焉廟號理宗不亦宜乎

度宗皇帝初名孟啓福王與芮之子理宗之猶子也

理宗子多而不育鞠孟啓於宮中改名孜又改名禔

立為皇子封忠王已而建儲改名昀至是即位啓音昀

音其聲○詔馬廷鸞留夢炎兼侍讀李伯玉陳宗禮

范東叟兼侍講何基徐幾兼崇政殿說書廷鸞伯玉並鄱陽人

封賈似道

基號北山謚文政金華人○咸淳元年加賈似道太

魏公似道權傾人主

帥封魏公○三年以賈似道平章軍國重事三日一

朝似道權傾人主諛者動以周公輔成王擬之親王

外戚宦官近習皆箝制不敢恣當世望士亦引用為

儀羽而腹心不在焉在外監司郡守亦參用廉介非

其人而得進者各有蹊徑擬比也廉介有最以吝賞

誅貨失將帥心瀘州帥劉整有功見抑且欲置之罪

整遂投北獻策取東南謂緩取則經營自蜀而下急

取則由襄淮直進誅貨如步軍前費用之費時諸將北附知國

虛實者相繼似道若不以為虞建第葛嶺自娛累日

乘一湖船入朝不赴堂治事吏抱文書就第呈署他

陽圍蒙人

相書紙而已內外諸司彈劾薦辟舉削非關白不敢  
行一時正人端士斥罷殆盡更爭納賂以求美職圖  
為帥閩監司郡守者貢獻至不可勝計貪風大肆兵  
喪於外匿不以聞民怨于下誅賞無藝莫敢言者音勝

升喪去聲○虞慮也第私居也葛嶺在抗州堂政事  
堂也薦辟薦舉辟召也舉削貢舉削奪也藝常也

○四年蒙人圍襄陽先是蒙人以玉帶獻荆湖制置  
使呂文德求置推場於襄城外乃築土墻於鹿門山  
外通互市內築堡文德弟文煥知被欺兩申制置為  
吏所匿蒙人又於白鶴城築第二堡文煥再申方達  
文德大驚即請自赴援軍病卒推音角交易之  
所堡小城也蒙人

起萬人臺

又於江心起萬人臺撒星橋以遏南兵之援時出師  
哨掠襄樊城外至是遂圍之襄陽城樊城  
隔江相對文煥告急

遣高達范文虎赴援道不通二將亦不用命○五年

以江萬里馬廷鸞為左右相兼樞密使○六年江萬

里罷萬里請援兵救襄樊賈似  
道不從遂求去出知福州○詔賈似道十日一

朝似道稱疾求去以  
要君故有是詔○七年蒙改國號曰元取易大  
哉乾元

蒙改元

義之○八年馬廷鸞罷廷鸞扼於賈似道  
不克展才力求去○九年元陷

樊城守將張漢英都統制范天順牛富死之○知襄

陽府呂文煥降元文煥守襄城六年捍禦備至雖糧

食未乏衣裝新芻無所措辨至撤廬舍為新緝關楮

文天祥致仕

為衣援兵不至遂以城降為元人之用

楮木名皮可為紙關楮者

開會之紙也

○直學士院文天祥致仕天祥廬陵人丙辰

進士初賈似道稱疾乞致仕天祥以為要君似道惡

之天祥遂乞致仕時年三十七矣

惡去聲要音腰○廬陵縣名屬吉州

○十年元以阿木為中書平章政事帥師經略兩淮

○帝崩在位十年壽三十五皇子立是為孝恭懿聖

皇帝

帝烈北遷未有廟號端宗即位遙上尊號故此因以稱之

呂氏曰度宗荒于酒色委政權臣無足稱者賈似

道專政不親巡邊不發援兵不明功賞將士離心

以致襄樊失陷國勢已去可勝歎哉

○

孝恭皇帝名焘皇后金氏出也太皇太后謝氏臨朝

稱制

焘音顯○全氏度宗后謝氏理宗后也

○大霖雨天日山崩

天目為臨

安主山今既崩蓋王氣盡也

○元太保劉秉忠卒

贈太傅封趙國公謚文貞

元遣中書平章軍國重事史天澤中書左丞相伯顏

帥師南侵天澤以疾還直定而卒

天澤真定人

先是元主

遣醫駟視天澤附奏曰臣大限有終死不足惜第願

天兵渡江以殺掠為戒天澤忠亮有大節出入將相

近五十年柱石四朝師表百辟其視富貴權勢斂迹

退避若將浼之者故能善始令終為開國元臣人以

方郭子儀曹彬云

四朝謂太祖太宗定宗世宗也百辟諸侯也令善也方比也

伯

劉秉忠 伯顏 南侵

伯顏 大會

襄樊 兵于

詔天 王勤

元劉 整死

顏大會兵于襄樊以劉整領騎兵出淮泗呂文煥領舟師出襄陽爭先向導水陸並進攻沙市新城都紗邊居詎力戰死之策應使夏貴棄師還走廬州宜撫使朱禩孫提重兵不戰歸江陵

禩音祀○沙市新城在江陵城外十里使

去聲

○元呂文煥寇鄂州守將程鵬飛以城降之伯顏

留兵守鄂而與阿朮率大軍渡江順流東下時沿江諸將多呂氏部曲皆望風降附○詔天下勤王○德祐元年賈似道以呂師夔參贊都督府軍事師夔以

江州降元

元以師夔知江州

○元劉整死

整慙出淮無功憤死無為城下

賈似道帥師次于蕪湖

蕪湖縣名屬太平

先是似道累章出

以道 遷延 不出

督而陰諷朝廷留之及鄂州破朝廷大懼三學生及羣臣上疏以為非師相親出不可似道不得已始開督府于臨安然畏劉整遷延不出及聞整死始率諸軍發行在迂道而行數日方達蕪湖陰遣人如元師請稱臣奉貢伯顏不許

三學謂文學武學宗學也

○池州都統張

林以城降元通判趙昂發及其妻雍氏死之

池州屬江東

先是池州守臣王起宗聞元人渡江即棄官歸昂發攝州事繕壁聚糧為固守計及元兵至城下林迎降昂發知事不濟將死與其妻訣妻曰卿能為忠臣妾顧不能為忠臣妻邪昂發喜遂具衣冠與俱縊明日

孫與虎  
臣與元  
戰于家  
丁家洲

伯顏入城見而憐之具衣棺合葬焉繕音善修也○指揮

使孫虎臣與元人戰于丁家洲敗績賈似道奔還揚

州諸軍大潰丁家洲在池州初似道將趨安慶府牽制下流

之師未至三日安慶已降元及虎臣敗將士無復固

志似道鳴鑼一聲退兵于珠金沙十三萬衆一時潰

散似道單舸奔還元師乘勝東下安慶府屬淮西下流之師謂元順流

東下之衆也珠金沙在荻港○元人陷建康守臣趙淮死之淮葵子也

○鄂州都統張世傑江西提刑文天祥湖南提刑李

芾皆起兵入衛○賈似道以罪罷陳宜中初附似道得登政府至是上

疏劾似道罪以自解遂○京師戒嚴朝臣接踵宵遁

元人陷建康

似道  
貶鄭  
虎臣  
誅之

戒嚴謂防詔張世傑總都督府諸軍○元人克沙市

城監鎮司馬夢求死之夢求温公五世孫○詔賈似道循州

安置至漳州監押官鄭虎臣誅之虎臣以下父輩為似道所貶監押似道

至漳州即厝上二拉其胸殺之

呂氏曰似道秉政十五年殺三大臣行公田困浙

右民吝軍賞失將士心背和約排強胡禍及宗廟

社稷其罪可勝誅哉然蔡京秦檜似道之敗皆身

亡家敗國隨以亡先後一轍後之專權誤國者可

以鑒哉  
以文天祥為浙西江東制置使知平江府時天祥將民兵峒丁

天祥  
為湖

西使 東使 天祥 入衛

二萬餘人入衛與丞相留 ○元伯顏帥師濟江次千

鎮江府遂分兵東下 ○召文天祥入衛時州郡連降

元兵距臨安百里張世傑兵五萬諸路勤王兵四十

餘萬天祥議兩軍堅守閩廣全城王師血戰萬一得

捷猶可為也世傑然之陳宣中以王師務持重降詔

沮之遣使乞和閩謂福建廣西 ○二年元人克潭州知

州李芾死之湖南諸郡皆降于元元人置潭州芾竭

相陳宣中遣使奉璽降元棄位宵遁阜亭山名去臨

太后遣使奉傳以願受之召宣中出議降

元伯顏帥師次于阜亭右丞

諸郡 皆降 于元

日中 有黑子 子闕 星中 天祥 奔溫

事宣中棄位宵遁 ○遣文天祥使元師伯顏欲宰執面議和

右相與左相吳堅同往天祥見伯顏請退軍嘉興以

人說天祥降 ○日中有黑子大如鵝卵相盪久之○

有星闕于中天一星隕 ○詔諭諸道降元伯顏遣人

附太后從之 ○元人入臨安伯顏遣人入臨安封

符印告勅罷文天祥自鎮江亡入真州自通州奔溫

州伯顏將北還遣宰執先赴大都天祥亦登舟北行

日兩淮兵足以興復特二關少隙不能合從耳天祥

即貽書李庭芝夏貴議合從出師二人疑天祥已降

元為之反問使再成亟殺天祥以自白再成乃給天

祥出城閉門不納天祥遂自通州浮海如溫州以求

二王備險 ○元入以帝及群臣北遷時伯顏遣將遷三

宮及宗室駙馬官人內侍庶僚三學諸生數千人北  
行至真州守將苗再成謀奪駕不克上在位二年改  
元德祐兄益王立于福州是為端宗皇帝三官謂少  
帝謝后全  
后也駙馬本官名漢武帝所置掌附近之馬一魏  
晉以來推尚公主者加之故名帝婿為駙馬也  
愚按孝恭以四歲嗣位當是之時天命已去人心  
已離雖使伊尹周公輔之尚不克濟而况促之以  
妬賢疾能不學無術一賈似道乎似道既誅陳宜  
中等惟務攻擊賈黨略無備禦之策及元兵歷境  
賴文天祥張世傑等協謀匡復而宜中竟白謝太  
后降詔沮之奉璽降元是致三宮北狩國隨以亡

哀哉

○端宗皇帝名昞皇太后楊氏出也初封吉王改封益  
王臨安既破王由海道至溫州蘓劉義陸秀夫皆來  
會陳宜中張世傑海舟亦至奉王為天下兵馬都元  
帥召諸路忠義勤王遂立為帝以宜中為左丞相世  
傑為少保秀夫簽書樞密院事是音○文天祥至溫  
州以為右丞相○帝羃至元上都元主廢為瀛國公  
帝為僧號合尊太師全太  
后亦為尼謝太后殞於燕○詔文天祥同都督諸路  
軍馬天祥開府於南劍州經略江西遂復邵武軍天祥  
與陳宜中議不合乃求出督至南  
劍州募兵得數千人遂復邵武軍○揚州守將朱渙

天祥開府南劍復邵武軍

宣中世傑奉帝航海

天祥奔循州

叛以城降元右丞相李庭芝龍神四廂都指揮使姜才皆死之○元人入建寧取福州陳宜中張世傑奉

帝航海○景炎二年文天祥復梅州及興國會昌縣

天祥謀入衛道不通往○張世傑復潮州○元中書

平章政事廉希憲卒○文天祥使趙時賞張日中等

帥師復吉贛諸州日中橫渠先生十三世孫吉州贛州並屬江西○帝舟遷

于潮州之淺灣潮州府名屬廣東○元李恒襲文天祥于興

國副將鞏信張日中趙時賞皆死之天祥奔循州鞏音

先是恒遣兵援贛而自將襲天祥天祥走即鄒鳳

于永豐瀉兵先潰恒追及天祥于方石嶺鞏信拒戰

箭被體而死天祥至空院恒又及之日中奮擊身被

數十創而死兵遂潰天祥妻歐陽氏二子二女皆被

執時賞坐肩輿在後詭言姓文元人以爲天祥執之

天祥由是得與長子道生奔循州散兵頗集時賞至

隆興奮罵不屈見殺天祥家屬送于燕二子死于道

長上聲○二子佛生環生也○元人襲淺灣張世傑戰不利奉帝

奔秀山陳宜中之占城求兵遂不復還帝舟遷於井

澳颶風作帝有疾元人復襲之帝舟遷于謝女峽音

沾隩音郁颶音具○之往也占風曰颶風○三年元以張弘

範爲都元帥李恒副之帥師入閩廣○帝崩于礪州



陸秀夫立帝

在位三年改元景炎弟衛王立是為帝昺昺音岡  
○帝昺端宗同母弟也初封信王改廣王又改衛王即位初端宗崩羣臣多欲散去陸秀夫曰度宗皇帝一子尚在將焉置之古人有以一旅一成中興者今百官有司皆具士卒數萬天若未欲絕宋此豈不可為國邪乃與眾共立帝年八歲矣焉音煙適有黃龍見海中因改元祥興而升礪州為龍翔縣現音以秀夫為左相兼樞密使時播越海濱庶事踈略每時節朝會秀夫獨儼然正笏立如治朝或在行中悽然泣下以朝衣投淚衣盡濕左右無不悲動及拜首相與張

大星墜海小星隨之

世傑其秉政外籌軍旅內調工役雖勿遽流離中猶日誦大學章句以勸講朝音潮治去聲行音抗故音吻拭也○帝舟遷于新會之崖山崖山在南海兩山相對勢頗寬廣中有一巷其口如門世傑以為形勝之居焉○有大星南流墜海中小星千餘隨之聲如雷數刻乃止○加文天祥少保封信公天祥聞帝即位表乞入朝不許故有是命會軍中大疫士卒多死天祥子道生亡家屬皆盡○元以許衡為集賢大學士兼領太史院事○元張弘範襲執宋右丞相文天祥于五坡副將鄒鳳劉子俊皆死之五坡嶺名在海先是天祥屯潮陽瀾子俊皆集師會之遂討盜陳懿劉興千潮興死懿遁導弘範兵襲天祥天祥走海

宋亡招世傑不從

豐弘範弟弘正追之天祥方飯五坡嶺元兵突至天

祥被執吞腦子不死瀟自剄子俊自詭為天祥及執

天祥至遂烹子俊而執天祥見弘範乃解其縛以客

禮見之天祥因請死不許求其族屬被俘者悉還之

處舟中以自從潮陽即潮州府屬廣東子俊詭為天祥者冀可免天祥也○祥興

二年元張弘範襲破崔山帝及左丞相兼樞密使陸

秀夫太傅樞密副使張世傑等皆死之宋亡相使皆去聲

先是弘範兵至崔山世傑力戰弘範使人說世傑降

世傑以死自誓說音稅弘範以舟師據海口宋師樵汲

道絕軍士茹乾糧飲海水嘔泄大困乾音干弘範命李

恒守崖山北面四分其軍自將一軍相去里許戒諸

將曰宋師西艤崔山潮至必東遁宜急攻之聞吾樂

作乃戰違令者斬艤音蟻泊也遂先麾北面二軍乘早潮

而戰世傑敗之李恒等順潮退師午潮上元師樂作

宋師少懈弘範以舟師犯其前南師繼之宋師疲困

不能戰陸秀夫知事去乃先驅其妻子下海即負帝

同溺為後宮羣臣從死者甚眾從去聲世傑敗走至平

章山下颶風大作溺死平章山在南恩州○宋之故臣亦有

由嶺海走安南者安南自其國王李乾德卒於紹興

子陽煥立陽煥卒子天祚立天祚卒於淳熙子龍翰

立龍翰卒於嘉定子吳崑立世奉宋正朔當龍翰時

有閩人陳京入其國得政為女婿京子承再世執其

國柄及吳崑時承奪其國傳子威晃理宗受其貢而

封之威晃傳子日照宋亡乃改名曰烜奉貢于元音翰

札崑五滅反烜玄淺反○紹興高宗初邵雍與客語

及國祚取晉出帝紀示之靖康驗矣至德祐益驗陳

搏亦嘗有一汴二杭三閩四廣之說宋果至閩廣而

盡自太祖至帝昺凡一十八世三百二十年而亡出晉

帝為契丹所執故邵康節以其紀示客也愚按端宗帝昺皆以冲幼嗣位播越海隅當是之

時國事已去雖有文天祥陸秀夫張世傑諸君子

盡忠竭誠為之佐輔亦將如之何哉然國滅君死

之正也帝昺及諸君子可謂無愧於斯矣攷論三

代以下享國久長者漢唐宋也漢大綱正唐萬日

舉宋則兼有之蓋太祖為周點檢本無二心因衆

推戴奄有天下仁厚一念終始不渝其享國三百

餘年之久豈無自然而然乎太宗仁宗之世君子滿

朝天下大治哲宗以後諸儒作振斯道復明東周

以還未有之也然則前誤於王安石病民開釁而

汴京失守後誤於秦檜賈似道妬賢疾能而國隨

以亡哀哉抑又考之宋之都汴也北有遼國及其南渡也又有金國遼起於阿保機而亡於延禧金起於完顏旻而亡於守緒享國並百有餘年亦為難矣然宋為中華之主固正統也而元朝脩史乃以宋遼金為敵體而各立帝紀謂之何哉

古今歷代標題註釋十九史略通考卷之七

古今歷代標題註釋十九史略通考卷之八

松塢門人番陽竹篙余進宗海通考

元

○

用兵如神

世祖皇帝姓竒渥温氏名忽必烈憲宗母弟也其先世為蒙古部長至也速該吞併諸部始強大長上子鐵木真以宋開禧二年稱帝深沉有大略用兵如神滅國四十遂平西夏定西域在位二十二年而殂廟號太祖開禧寧宗年強子太宗窩闊台立有寬弘之量委任賢相耶律楚材庶民樂業時稱治平約宋滅金國勢愈昌焉在位十三年殂樂音洛下同○耶律姓楚材名字晉卿遼東丹王突欲八

世孫金尚書右丞履之子也為元子定宗貴由立三

年殂從弟憲宗蒙哥立剛明雄略沉斷寡言不樂飲

宴不好侈靡善用兵南征至釣魚山而殂斷好皆去聲○憲宗

拖雷之子太祖之孫也弟忽必烈立是為世祖仁明英睿事母

至孝以至元十六年平宋天下為一母曰莊獻太后曰怯烈氏○

十八年集賢大學士兼國子祭酒致仕許衡卒衡懷

慶河內人幼穎悟出入經傳汎濫佛老及姚樞授以

伊川易傳晦庵四書集註遂棄其學而學焉傳去聲至

元七年為中書左丞尋遷是職與丞相阿合馬不相

樂力求去樂去聲居家勤儉強於自治公私兼盡不嚴

樞授  
易傳  
晦庵  
四書

殺宋  
右丞  
相文  
天祥

而整閨門之內若朝廷然喪祭不用老佛懷孟化之

旁舍有僧年百餘歲嘗謂其徒曰老僧苦行百年亦

不能作佛徒為不孝之人羞見祖宗於地下但願汝

等還俗以壽汝祖宗之嗣自是不復度弟子蓋化之

也至是卒諡文正衡年七十三皇慶二年從祀孔子廟庭○十九年殺

宋右丞相少保信國公文天祥信國公爵也初崖山旣破

張弘範置酒大會謂天祥曰國亡丞相忠孝盡矣能

改心以事宋者事今不失為宰相也天祥泣然流涕

曰國亡不能救為人臣者死有餘罪况敢逃其死而

戴其心乎弘範曰國亡矣殺身為忠誰復書之天祥

天祥  
八日  
不食  
猶生

天祥  
燕獄  
集吟  
嘯壯  
詩行  
于世

曰商非不亡夷齊自不食周粟人臣各盡其心何論  
書與不書弘範為之改容論為皆去聲遣送于燕道經吉

州痛恨不食八日猶生乃復食不食八日蓋欲首丘于家山也及過吉州

不死乃復食焉及至燕不屈繫獄厲操愈堅自號浮休道人

至是賜死天祥將出獄即為贊曰孔子曰成仁孟子曰取

義惟其義盡是以仁至讀聖賢書所學何事而今而

後庶幾無愧南面再拜而死其在京口有指南集在

燕獄有吟嘯集及杜詩百首行于世幾音祈○孔子曰殺身成仁孟

子曰舍生取義聖詣孔子賢謂孟子南面再拜者謝宋恩也

人臣之行莫大於忠而忠莫大於死夫死者人所

甚難也死苟得其所雖捐軀隕命復何所顧避哉

觀文天祥之盡忠於宋可見矣蓋天祥起自亂離

即有恢復之志出使元師議論不屈遂被拘留得

間亡歸備經險阻募兵勤王力竭而止身就俘執

萬死不降繫獄四年志操益厲其忠誠節義真可

以貫日月而陵冰霜矣世祖知其如此而終殺之

何以為人臣之勸哉

二十五年召宋故臣謝枋得不至參政魏天祐執之

送京師枋音枋得號疊山德祐間知信州戰敗變姓

名逃匿至是上訪求南人有才德者甚急御史程文

謝枋  
得死

管如  
德討  
鍾明  
亮

江西  
霖雨  
水溢  
地震

海承旨留夢炎交章薦之枋得力辭不赴時天祐朝

京道以北行潮音○二十六年宋江西招諭使知信

州謝枋得至京師不食死○廣東賊鍾明亮寇贛州

掠寧都據秀嶺遣江西行省左丞管如德帥師討之

明亮降○台州賊楊鎮龍寇東陽義烏諸王龔吉帶

率兵討平之龔吉帶時鍾明亮寇梅州其黨江羅寇

漳州韶雄諸賊皆應之詔福建江西合兵討之應去

韶雄二州名並屬廣東○二十七年鍾明亮復降詔縛送京師

管如德留不遣明亮復寇贛州○江西霖雨水溢○

地震武平尤甚○江陰寧國倉庫局四百餘間民居不可勝計

等路大水民流移者四十五萬餘戶詔發粟賑之○

易水溢雄莫任丘新安田廬漂沒無遺詔有司築隄

障之○二十八年免江淮逋租○徵劉因爲集賢學

士不至因保定容城人前爲太子贊善以○三十年

前右贊善大夫劉因卒年四十五贈翰林學士封谷

城郡公諡文靖有四書精要三十卷詩五

者二日中綉至元上度量弘廣知人善任信用儒術

愛養黎庶每遇灾傷免租賑饑惟恐不及故能用夏

變夷混一區宇平綱陳紀所以爲一代之制者宏遠

矣皇孫立是爲成宗皇帝夏謂華夏

夷謂夷狄

愚按有元之興雖自太祖太宗然紹承正朔者實自世祖始也蓋世祖滅宋之後猶好征遠夷於是雲南交趾高麗日本八百媳婦瓜哇等國悉皆臣服坐致太平迹其度量弘廣知人善任文武之臣各盡其用制禮作樂民物阜康夷狄之盛古未有也然崇信佛老而異教興志伐遠夷而武事黷殺宋忠臣而刑獄濫縱后預政而治體乖甚者不相漢人而文明之治衰不置諫官而忠直之路塞其每紆既已如此而欲久安長治不亦難哉

○

成宗皇帝名鐵木耳故太子真金子也初真金薨立

田租十分之三

為皇太孫撫軍北邊首蠲田租十分之三至是即位

蠲音消免也分去聲 ○開府儀同三司太傅錄軍國重事伯顏

卒 封臨安王謚忠武 ○元貞元年詔改江南諸路天慶觀為

玄妙觀 觀去聲

士張興才為太素凝神廣道真人領江南諸路道教

與才信別龍虎山人蓋嗣漢三十八代天師也 ○大德元年五臺山佛寺成

○二年詔以水旱減郡縣田租十分之三傷甚者盡

免之 分去聲下同 ○罷中外土木之役 ○三年遣使問民

疾苦免江南夏稅十分之三 ○命中書省自今后妃

諸王所需非奉旨勿給 需求索也 ○五年遣中書右丞劉

劉深 兵擊 罷上 罷之 役木



八百媳婦

暴風起雨  
雷發

僧人  
脩佛事

深等將兵擊八百媳婦八百媳婦南蠻國名○雲南上官宋隆

濟又時劉深由順元入雲南調兵供饋隆濟因給其

眾曰官軍徵發汝等欲盡剪髮黥面為兵身死行陣

妻妾為虜眾惑其言遂反攻貴州知州張懷德戰死

雲南行省平章床兀兒將兵討之殺賊首撒月斬首

五百級調去聲行陳○秋七月晝晦暴風起東北雨

雹兼發江湖汎濫東起通泰崇明西盡真州民被灾

傷者不可勝計以米賑之雷音泊○遣薛超兀兒等

將兵伐金齒時征緬甸還為金齒所遮士卒多戰死

又接八百媳婦諸蠻相效不輸賦稅故伐之緬音免

○金齒緬並南蠻國名 ○遣劉因傑等將兵討宋隆濟○六年

罷征八百媳婦免劉深等官以其喪師辱國故也○七年帝如

上都左丞相答剌罕哈刺哈孫言僧人脩佛事必釋

重囚有殺人者皆指名釋之生者苟免死者負冤於

福何有帝然之答音喀刺郎達反後並同臨江張氏曰元史所載國人名氏本不可以下

華音釋之蓋國語所稱人名皆有其名而無其字當時特借華音相近之字以用之如解台帶秦同一音也色八拜百同一韻也或鐵木帖睦之相混或塔失達識之不同前後彼此不一若此之類不容槩舉將

何者以為正說至若刺字兒字林字里字之類又皆舌而呼之是豈華音所能釋乎讀者以意求之可也

○地震平陽太原尤甚遣使分道賑濟○八年雲南

順元同知宣撫事宋阿重擒其叔宋隆濟來獻特陞

順元同知宣撫事宋阿重擒其叔宋隆濟來獻特陞

彗星見地震如雷

鄭州暴風雨雹

其官賜衣一襲襲重衣也○彗星見凡七十六日而滅音見  
現○九年大同路地震有聲如雷壞官民廬舍五千餘間壓死二千餘人懷仁縣地裂二所湧黑水漂出松柏朽木遣使賑之○十年春二月大同路暴風大雪壞廬舍明日雨沙陰霾馬牛多斃人有死者雨去聲  
○夏四月鄭州暴風雨雹大如雞卵麥及桑棗皆隕詔免今年田租○大都旱○開成路地震壞王宮及官民廬舍壓死五千餘人○十一年帝崩在位十三年改元者二曰元貞大德姪懷寧王立是為武宗皇帝

臨江張氏曰成宗承天下混一之後垂拱而治可謂善於守成者矣惟其末年連歲寢疾凡國家政事內則決於官闈外則委於大臣饑饉荐臻災異迭見其不致於廢墜者則以去世祖未遠成憲具在故也

加號孔子為大成至

○武宗皇帝名海山成宗兄答剌麻八剌之子也先是總兵北邊屢立武功成宗崩安西王阿難答與左丞相阿忽台等謀作亂賴愛育黎拔力八達及右丞相哈刺哈孫討而誅之迎海山即位○加號孔子為大成至聖文宣王○至大元年右丞相答剌罕哈刺哈

聖文  
宣王

孫卒

哈刺哈孫為人威重不妄言笑善騎射重儒術  
世宗命掌宿衛號答刺罕自是人稱為答刺罕

而不名拜大用正法平允至元二十二年出為中書  
廣行省平章政事成宗時由江浙右丞相入為中書  
左丞相大德七年卒 ○二年禁日者方士出入諸王公  
拜右丞相至是

主近侍諸官之門 ○定制大成至聖文宣王春秋二

丁釋奠用太牢 具牛羊豕 ○三年夏六月襄陽陝州

汝州六安州大水秋七月循州大水漂廬舍民多滄

死發米賑之 滄音諸 ○四年帝崩在位五年壽三十

一皇弟立是為仁宗皇帝

臨江張氏曰武宗承富有之業慨然欲創治改法  
故其封爵大成而遙授之官衆錫賚太隆而應賞

民多  
滄死

之恩薄至元大德之政於是稍有變更云

仁宗皇帝名愛育黎拔力八達武宗之母弟也初阿

忽台等既誅諸王闊闊出等勸其早正大位帝曰王

何為出此言彼惡人潛結宮壺構亂我家故誅之豈

欲覬望神器邪懷寧王吾兄也大位當歸之於是迎

入即位武宗以帝為皇太弟至是即位罷尙書省誅

在丞相脫虎脫等以其變亂舊章流毒百姓也 壺與

覬音計窺竊也先是 ○命尚書省故罷之中書平章政事李孟領國

子學勉勵諸生 孟字道復路 ○帝覽貞觀政要謂侍

臣曰此有益於國家又有進大學衍義者帝曰治天

帝覽  
負觀  
政要  
大學  
衍義

下此一書足矣並命譯以國語刊行之譯音亦○謂下通夷夏之言  
以轉中告之也○罷諸管繕從李孟言也○皇慶元年禁止諸王  
母得以農時出獵○延祐元年敕郡縣官勤職者加  
賜幣帛○帝以資治通鑑載前代興亡治亂命集賢  
院官擇其切要者譯寫以進○二年夏五月秦州成  
紀縣山移是夕疾風電雹北山南移至夕河川次日  
再移平地突出土阜高者二三丈陷沒民居遣使賑  
恤○四年成紀縣山崩○七年帝崩在位九年改元  
者二曰皇慶延祐皇太子立是為英宗皇帝  
臨江張氏曰仁宗天性慈孝聰明恭儉通達儒術

亦留心釋典嘗曰明心見性雖以釋教為先然脩  
身治國儒道為大也又曰儒者之所以可尚者以  
能維持三綱五常之道耳平居服御質素澹然無  
欲不事游畋不喜征伐不崇貨利事皇太后終身  
不違顏色待宗親勲舊始終以禮大臣親老特加  
恩賚大官進膳必分賜貴近有司奏大辟為慘怛  
久之其孜孜為治則一遵世祖成憲云  
英宗皇帝名碩德八剌仁宗不豫憂形於色每夕焚  
香祝天求以身代及崩哀毀踰禮素服寢于地日數  
一粥時有獻七寶帶者因近臣以進帝曰朕登大位

吳澄  
通傳  
貫悉

不聞卿薦賢才而為人進帶則是利誘朕也其還之

歡昌悅反飲也因者托也

○至治二年以拜住為右丞相○三年

春正月以吳澄為翰林學士澄字幼清崇仁人經傳

悉通貫用力聖賢之學仁宗朝為國子監丞陞司業

澄嘗為學者言朱子於道問學之功居多而陸子靜

以尊德性為本問學不本於德性其弊必偏於言語

訓釋故學必以德性為本議者遂以澄為陸氏之學

至是以拜住薦故有是命

傳去聲朝音潮○崇仁縣名屬撫州子靜名九淵金

谿人與朱子爭論太極圖說且謂學有悟入譏朱子從事訓解意見頗立異云○二月帝改

於柳林三月如上都秋八月還至南坡御史大夫鐵

失等殺右丞相拜住遂弒帝在位四年改元者一皇

叔立是為泰定皇帝

拜住後追封東平王諡忠憲

臨江張氏曰英宗天性剛明嘗戒羣臣曰卿等居

高位食厚祿當勉力圖報苟或貧乏朕不惜賜賚

汝若為不法則必刑無赦八思吉思以罪下獄帝

謂左右曰法者祖宗所制非朕所得私八思吉思

事朕日久今其有罪當論如法其明斷如此然果

於誅戮奸黨畏罪遂構大變云

臨江梁氏曰拜住為相振立紀綱脩舉廢墜裁不

急之務杜僥倖之門加惠兵民輕徭薄稅英宗倚

之相與勵精為治時天下晏然國富民足遠夷朝貢而奸臣畏之卒構禍難可勝惜哉

佛受帝法

○泰定皇帝名也孫鐵木兒真金之孫也封晉王鎮北邊內史倒刺沙得幸於王以其子哈散事拜住入宿衛久之哈散歸言鐵矢與拜住意忤欲傾害之至治三年宣徽使探惑來王邸與倒刺沙言主上將不容於晉王倒刺沙乃與探惑深相交結未幾鐵矢密遣幹羅思來曰吾與哈散有謀焉事成立王為帝王因幹羅思遣人至上都以逆謀告未至而英宗遇害王遂即位誅鐵矢等忤音吾○泰定元年帝受佛法於帝

經頌道

師○成紀大水山崩水溢成紀縣名屬秦州○二年頌道經

於天下名山宮觀觀去聲○息州民趙丑廝郭菩薩言

彌勒佛當有天下遂作亂遣兵討而誅之廝音蒲薩音殺

○令民納粟補官以備賑卹二千石從七品一千石正八品五百石從

八品三百石正九品○皇后赤憐真八刺氏受佛戒於帝師○

四年皇子允丹藏十受佛戒於智泉寺○致和元年

春三月帝御興聖殿受無量佛戒於帝師秋七月帝

崩在位五年壽三十六改元者二曰泰定致和姪周

主立是為明宗皇帝

臨江梁氏曰泰定之世灾異迭見君臣之間未見

其引咎責躬之實然能知祖宗之法以行天下無事號稱治平茲其所以足稱也夫

○明宗皇帝名和世球武宗之長子也

球音速長上聲

初武宗

崩仁宗立約以次傳位於和世球及議建儲丞相鐵木迭兒欲固位取寵及議立英宗為太子又與失列門等譖和世球遂封之為周王出鎮雲南其官屬謀曰天下者我武皇之天下也出鎮之事本非上意由左右構成請以車自行省俾聞之朝廷庶可杜塞離間王遂與數騎北去西行至金山西北諸王咸率眾來附遂居北都

朝音潮間騎皆去聲

其弟圖帖穆爾亦以譖出

謀舉義兵

○鎮雲南至英宗世封懷王徙金陵又徙江陵及泰定帝崩燕帖水兒等謀舉義兵令眾曰武皇有子二人大紗所在當迎立之不從者死乃宣言迎周王於北而叩迎懷王入燕都權攝位以俟周王至

二人謂周王懷王

明年周王至和寧遂即位以懷王為皇太弟懷王出迎帝宴于行殿是日帝暴崩稱帝僅八閱月未及及元懷王立是為文宗皇帝

○文宗皇帝名圖帖穆爾明宗之弟也攝位一年為太子者一年襲位又三年凡五年改元者二曰天曆至順姪郯王立是為寧宗皇帝

古岡黎氏曰明宗迎立朔漢文宗攝位改元行幄  
暴崩文宗難逃弒逆詔除廟主不亦宜乎

○寧宗皇帝名懿璘質班明宗次子也文宗后雍吉刺  
氏立之在位月餘而崩皇兄立是為順皇帝

○順皇帝名妥懽帖睦爾明宗長子也文宗后立之  
○元統二年雨血于汴梁著衣皆赤雨去聲○有流

星大如杯其色赤約長五尺餘光明燭地太白屢經  
天京師地震山崩陷為池方百里人死者甚眾在帝

○至元元年右丞相伯顏  
殺左丞相唐其勢遂弒皇后伯牙吳氏唐其勢燕帖木兒之姪皇

舉罷科

唐其勢帖木兒之女伯顏念唐其勢位居已上故殺之○二年詔罷科舉從伯顏

遣兵討之光卿廣東人法師台州人捧胡汝寧人○

四年朱光卿等伏誅○帝獵于柳林夏五月如上都  
秋八月還大都帝無歲不巡幸○金華處士許謙卒

死伯顏

謙字益之號曰白雲先生仁山金履祥門人有讀四  
書叢說二十卷詩名物鈔八卷讀書傳叢說六卷觀  
史治忽幾微若干卷行于世後謚曰文懿○至正六年伯顏有罪貶為河

南左丞徙南恩州安置道死○撤文宗廟主還其后  
雍吉刺氏於東安州安置殺其子燕帖古思撤謂除

遷朱公

○山東河南兵起遣兵討之○七年以朱公遷為金



金華學正

華郡學正

金華府名屬浙江

初公遷以遺逸舉授翰林直學

士數直諫為當國者所惡公遷亦知世之不可有為

力求補外故有是命數音朔為惡並去聲公遷字克升番陽人

其父梧岡先生聞同邑準軒吳中行得黃勉齋之學

於雙峯饒魯因往準軒學焉公遷之學得之家庭所

著詩傳疏義四書約說及通旨行于世勉齋名幹字直卿三山人

雙峯字仲元鄱陽人○松江兵起剽略無忌有司莫能禁○八

年台州方谷珍兵起遣兵擊之○翰林學士致仕虞

集卒集字伯生臨川人封仁壽郡公○九年以中書脫脫為右丞相

脫脫伯顏之姪也初伯顏弄權脫脫以義滅親封太傅至于為相○十一年穎州劉

劉通起兵

福通兵起初欒城人韓山童以白蓮會燒香惑眾倡

言天下大亂彌勒佛下生河南江淮愚民翕然信之

福通與杜遵道等又言山童當為中國主欲同起兵

事覺山童就擒其子林兒逃之武安福通遂及以紅

巾為號據朱臬遂犯舞陽葉縣等處葉音設屬南陽○州

徐壽輝鄒普勝兵起壽輝羅田人普勝麻城人以妖術聚眾作亂亦以紅巾為號

○劉福通陷汝寧府及息州光州兵至十萬○徐壽輝稱

帝國號天完改元治平○十二年徐壽輝遣兵陷漢陽興國及

武昌安陸沔陽中興路又遣兵攻陷江州元總管李

黼死之遂陷南康岳房歸袁瑞饒徽信等州○十三

徐壽輝兵起

帝國號天完改元治平

張士誠王京大 稱士誠王

劉福通韓林兒 稱林兒

太祖皇帝 取平路

明玉珍稱王 太祖伐漢

年泰州張士誠兵起陷高郵據之自稱誠王

國改元周

○京城大饑

民或父子相食

○造龍舟

帝於內苑造龍舟自製其樣首尾長

一百二十尺廣二十尺以五米金裝自後官山

下海子口往來遊戲船行則龍首尾眼八皆動

運氣術作天魔舞

哈麻等陰進西北僧于帝行房中

帝皆習之以宦者領之宮中讚佛則按舞奏樂

○十四年以脫脫總制諸王諸省軍馬伐張士誠大

捷遂復六合詔削奪脫脫官爵安置淮安

哈麻與脫脫

其成功故

○十五年劉福通以韓林兒稱帝

自錫山

夾河迎韓林兒至亳州立

○元中書左丞相哈麻矯

詔殺太師中書右丞相脫脫于淮安

年四 ○我太祖

皇帝起兵自和州渡江取太平路自紅巾倡亂之後

南北郡縣多陷沒故我太祖從而取之○十六年元

哈麻伏誅

哈麻謀廢立

○十八年陳友諒破安慶元

淮南行省參知政事余闕死之

闕字廷心廬州人

劉福通取汴梁迎其主韓林兒都之○十九年元察

罕帖水兒攻破汴梁劉福通奉其主韓林兒走永豐

○二十年陳友諒弒其主徐壽輝於太平路遂自稱

帝回駐江州

國號漢改元大義

○二十二年我太祖皇帝遣

兵取江西諸郡○明玉珍據成都自稱蜀王○二十

三年明玉珍稱帝

國號夏改元天紗

我太祖皇帝自將伐漢

主陳友諒

太祖取益都

主陳友諒于番陽湖誅之其子理自立仍據武昌進師圍之○二十四年我太祖皇帝克武昌擒陳理湖南北江東西諸郡皆平漢二主僭號凡四年亡○二十七年我太祖皇帝遣兵取益都元宣慰使普顏不花總管胡濬知院張俊皆死之○洪武元年我太祖皇帝遣將由中灤渡河三日而取衛五日而取相州七日而取平彰德及廣平八日而取順德兵至通州元主棄城北遁在位三十六年改元者三曰元統至元至正元自太祖至是凡十四世一百六十三年紹正統者實八十九年而亡濠洛官反相去聲

按寧宗幼冲嗣位月餘而崩無足道者順帝性柔少斷奸臣伯顏哈麻等相繼弄權朝政日紊以致羣雄並起稱帝稱王朝廷命將出征自為仇敵連年攻擊帝猶不悟迎西蕃僧行運氣之術教宮女作天魔之舞不恤政事自取滅亡蓋太平之業天將啓聖人而授之非人謀之所及也攷論元之有天下殊方絕域靡不臣服輿圖之廣亘古所無而世祖之定法也本之以寬仁加之以周密繼繼承承勿替引之宜無弊也然立賢無方學古入官禮義廉恥國之四維治道之要也世祖之約不以漢

人為相故為相皆國族而又不置諫官使忠直路塞文學之士雖世世不乏而沉於下僚所賴以為用者唯吏師而已其為法如是以朝皆苟且之政而士無譽諤之風官有貪婪之實而吏多欺誑之文將欲求保萬邦比隆三代無乃未之思乎是歲戊申春正月太祖高皇帝登寶位于南郊建元曰洪武元年

古今歷代標題註釋十九史略通考卷之八

萬曆九年秋七月殿下御經筵謂左右曰十九史略一書簡明精切甚有益於訓蒙第史斷若論印以小註纖微難讀依少微通鑑例用大字係於本傳之後庶便觀覽仍命臣監其事兼令臣離校臣竊觀舊本非但間有錯字或傳襲謬訛不能無可疑處廼攷綱目等書悉稟睿裁稍加訂正與舊本略相異同然逐節修改有違傳疑之意自非大段錯誤悉從舊本天地圖涉於荒誕故舊本雖存而刪去之潘氏論詳於評議故舊本雖無而添入之是亦聖旨也讀是書者蓋不可不知此意云

萬曆十年九月庚申通善郎行弘文館副校理知  
製教兼經筵侍讀官春秋館記注官漢學教授  
金晬奉教敬識

此書本非... 其... 以... 萬...

吾山二三子追慕朝鮮國之意匠頃僦工布列一刊  
字於一板印寫于十九史略者一百餘部矣大槩聚  
數本校讎參差訛謬真贗詳略而或從其宜矣庶幾  
博施溥散要令宇內之人知諸史端末而已

元和第二曆丙辰書雲令辰

惠山 守藤誌焉

辛未十一月出版

惠山 中蘇蘇

天降靈二載丙辰春書令氣

軒風野樹變令宇界之人吹詩文繼未聞也

燦本為細參益精屬真氣精細而短勢其以矣照發

字第一姓稱歸于十此史細著一百餘將矣大梁琴

吾山二三千島幕障檢圖之意可則辦工亦既一代

